



登封縣志

卷一

卷一



乾隆丁未仲秋

登封縣志

本衙藏板

登封縣志敘

賜進士及第 巡撫河南等處提督軍門兼理河務欽加一品畢沅撰  
換一方之志難換一方之志而有名山大川在其境者  
尤難非有鄙善長之博虛李忠懿之嚴整勿能善也登  
封爲河南府下縣然其地實天下之中山則嵩少水則  
潁洧諸川在焉且其地兼漢縣四潁陽陽城密高綸氏  
是也兼魏郡二魏縣五陽城郡中川郡陽城潁陽康城  
潁陽臨武五縣是也故城舊縣歷歷可考而舊志皆畧  
之又舊唐書經籍志載樊文深中岳潁川志五卷孟利  
貞封禪錄十卷宋都能嵩高少室寇天師等傳三卷以  
迄楊銜之洛陽伽藍記五卷無名氏洛陽宮殿簿三卷  
皆兼及登封近世之著書及說嵩者皆能采之而舊  
志又畧焉非完書矣及門洪常博穉存濬于地理之學  
向在關中余曾屬助校華嶽及關中勝蹟圖等志今從  
余客大梁適宰登封陸君爲穉存同里因以志事屬焉  
余又急憇憇之凡四閱月而成爲記十爲表二簿二爲  
志四爲傳六爲錄二合三十卷穉存病夫近時府州縣  
志皆僂而不與信傳聞而忽書傳故其命名皆取于秦  
漢以來至唐宋而止又徵引歷史及記傳皆不厭其詳  
必無可徵始采舊志及采訪事實以補之可謂通于作  
史之義者矣是書成于穉存及陸君而縣中賢士大夫  
編校之力亦多例得附書將見他日傳是書者當與宋

敏求孟元老同稱非近今方志所可同日語也是爲序

卷之二

二

壽邑志所以正疆圉著形勢識地利稽戶口定賦役  
風土彰人物紀沿革興廢之故晰政教治亂之由蓋化  
民成俗之要而考鏡得失之林也是故其紀錄故寔也  
必詳賅而雅馴其採取事蹟也必一秉諸大公而不謬  
於是非之正然後可以昭信垂遠無媿古良史焉登封  
古陽城地開闢最遠枕嵩瀕居天地之中爲山河大  
濶六邑古而踞勝載筆者非夸大誕妄卽譌舛挂漏信  
乎闕疑慎餘之難也抑地小而瘠民貧而樸俗知向義  
急公固易與爲善也而伏巖棲穴多老死不履城闕無  
風化教行以馴其獷悍桀驁之氣往往見利輕生自罹

法網則其中孝弟節義之行勃發於天性者亟須徧採  
而表章之以言爲教俾咸知激勸庶書所謂彰善癉惡  
樹之風聲者乎陽湖陸君以孝廉來宰是邑甫下車卽  
以續修邑志爲務屬其事於常博洪君禕存穉存好古  
淵博於名勝查蹟考証折衷其必無仍詭踵謬挂一漏  
萬之失藏書者將珍爲拱璧已顧志者爲政之書也觀  
其所以爲志卽知其所以爲政此數十年來土田之更  
遷戶口之登耗風俗之移易水利之修廢旣當據寔徵  
信使宰是邑者披卷而識因地制宜之道且人物日增  
於前孝子悌弟節婦義士之去取煎就若協輿論秉至  
公不戾於是非之正由是草野細民轉信傳而勃然興

起是則是傲風俗日益厚人材日益盛其裨益世教者  
匪渺又不徒以文字典贍博汲古者之觀覽已足則陸  
君之信能以文治也亦余之所厚望矣夫

徽撰  
賜進士出身戶部郎中知河南府事加四級武岡劉文

登封縣志敘錄

太常寺博士洪亮吉撰

陽城太室天地之中

帝行省方亦惟登封文曜列緯

恩洽耆童倣侯瑾漢皇德記等述

皇德第一

圖經旣亡輿地益晦爰復舊觀兼志山水倣隋志周輿圖記述輿圖第二

堙頽舊縣綸狂昔國故城東西亭部南北負黍在韓陽城有鐵倣晉朱育會稽土地記等述土地第三

名山峩峩大川是出神明以居龍蟠斯宅道元足徵遠

登封縣志敘錄

稽伯益倣齊劉澄宋初山川古今記等述山川第四

史遷遺法首紀大事三千餘年如掌可指倣漢司馬遷等大事記述大事第五

東西南朔茲爲地中詳其道理輪織以通倣隋西域道里記等述道理第六

高山廣谷民氣亦淳力田孝悌以長子孫倣晉周處風土記等述風土第七

巨石立廟圓星建壇三闕兀立表茲名山中天之祀歷代益虔倣齊壇廟記等述壇廟第八

開居法王歷歲二千乳峯陰陰少林在焉淨圖四出附以宮觀雲母有毒金丹不完藉茲垂戒以警流傳倣晉

楊銜之洛陽伽藍記述伽藍第九

許由巢父歸藏可徵開母之石毗于禹陵倣宋李彤聖賢家墓記述冢墓第十

令丞簿尉師儒有秩昔惟備官今乃兼職詳其等差以證今昔倣漢班固百官公卿表等述職官表第十一世需多士士貴通經茂才異等咸貢王庭倣唐選舉志宋選舉格等述選舉表第十二

漢戶三百以奉宮高取今證昔有盈有耗倣宋元康六年戶口簿記述戶口第十三

征輸之簿前代所無農桑絲粟以迄市租冊籍可稽職于胥徒倣宋李常元祐會計簿述會計第十四

泮宮居前叢祠列後英英羣賢光我俎豆倣宋崇寧學校新法志等述學校第十五

才餘于官不廢嘯歌此如傳舍所閱旣多倣宋無名氏衙署志述衙署第十六

臺測日景地名土中尺有五寸古法伊同金蠶集仙三陽之宮鄂坂之險輪蹄僅通倣

### 勝第十七

名勝志述名

中央之產服之宜年玉膏菴艸山經列焉倣唐經籍志地理類無名氏諸郡土俗物產記等述物產第十八龍守潁川靖寧登封三關表績一椽祀功後有良吏紹茲賢蹤倣漢班固漢書循吏傳述循吏第十九

詩人所美生甫及中矯矯周甫英英弟孫山川之氣代  
生偉人傲魏明帝海內先賢傳述先賢第二十

國有寶錄里惟惇史名區鬱鬱懍茲多士傲晉華僑廣  
陵列士傳述列士第二十一

中壘列傳黃門哀詞彤管有煒百世之師傲漢劉向列  
女傳述列女第二十二

逃形箕山洗耳潁水松風石泉其人斯在傲晉張顯逸  
人傳述逸人第二十三

佛惟跋陀僧有初祖猶畱色相塵此淨土傲釋惠皎高  
僧傳述高僧第二十四

凡茲文章首錄詔誥暉暉天章英英麗藻傲唐人麗藻  
錄述麗藻第二十五

登封縣志敘錄

三

古今樂石今世所傳鬱鬱三闕冠于中原後有歐趙貽  
茲一編傲宋趙明誠金石錄述金石第二十六

原化抱朴劉根吳筠爰采逸說以廣舊聞傲後漢雜事  
晉朝雜事等述雜錄第二十七

書之有序以紀本末盤盤一編必則古昔傲漢王符潛  
夫論序錄等述序錄第二十八

登封縣志目錄

太常寺博士洪亮吉  
登封縣知縣陸繼夢  
同纂

皇德記第一

輿圖記第二

土地記第三

山川記第四

大事記第五

道理記第六

風土記第七

壇廟記第八

伽藍記第九

冢墓記第十

職官表第十一

選舉表第十二

戶口簿第十三

會計簿第十四

學校志第十五

衙署志第十六

名勝志第十七

物產志第十八

循吏傳第十九

登封縣志目錄

先賢傳第二十

列士傳第二十一

列女傳第二十二

逸人傳第二十三

高僧傳第二十四

麗藻錄第二十五

金石錄第二十六

雜錄第二十七

亭錄第二十八

鍾麟垂髫隨先奉政公宦睢陽爲湯文正公故里曩宰  
柘城爲竇靜菴先生故里適來登封又爲耿逸菴先生  
故里一代理學名儒釣游之鄉藐躬薄植堂與莫窺於  
焉滋愧顧傳書具在所講習而垂於世者幾與歲月而  
俱湮求其子弟稍稍秀異克守家學亦足以慰思古之  
幽情嗚呼人往風微不絕亦如縷矣登封縣志修於吾  
鄉洪稚存先生亦名流之述作也前年兵燹版燬不完  
亟爲捐俸刊補抱殘守缺之私固猶是懷古稱先之志  
云爾乙卯冬江蘇金鍾麟跋

太常寺博士洪亮

登封縣知縣陸繼

皇德記

恭紀庚午

巡祀中嶽

乾隆庚午

皇上御極十有五年大道咸淳至治期洽薄海內外  
主悉臣加以年穀順成謳歌遍野乃修唐虞巡狩之典  
翠華臨幸達於侯甸修禮同律秩祀方岳山左山右  
及嵩高秋八月之吉

登封縣志卷一 皇德記

鑾輿出都

簡命親王貝勒文武寮吏虎賁郎將雲移雷動臨於河  
皇上軫念道途供應或至勞民

特下制免其租稅之半九月二十七日

鑾輿由孟縣渡河河伯効靈平無揚波片時登南岸

駐蹕孟津之郭二十八日由孟津道過洛陽渡洛水

駐蹕洛之南原二十九日

駕幸龍門登西山寶陽洞下臨伊水水衡舉魚

顧而樂之遂渡伊水東陟香山寺是晚

駐蹕李邨三十日辰刻

駕過緱山將屆轅轅先驅傳諭

駕前寬不警蹕俾接駕者咸得瞻仰勿庸俯伏邑中  
庶雲集關內製彩亭香案肅侯迎

鑾關在嵩少之間登邑西界也須臾

聖駕入關擁蓋乘馬

顧見士庶子來

天顏有喜以馬策指顧從臣髦老民婦各

賜白金一定羣呼

萬歲未刻至少林寺是時登邑稍旱酉刻雷起少室巖  
雨沛然中夜而霑

車駕所臨恩膏隨至歡呼之聲遍於巖谷是晚

駐蹕少林

登封縣志卷一 皇極記

御製詩三章又

特製雨詩一章以志喜十月朔天晴日朗風和景明

駕自少林早發龍旂鸞章輝映林麓已刻過會善寺

御製詩一章少憩而出渡雙溪橋登岸幸唐碑前覽觀

碑頌下馬入嵩陽書院觀漢柏登藏書樓瞻眺峻極

柱諸峯徘徊良久

御製詩二章出乘馬徐行萬歲峯麓稱爲佳山將午

駕至中嶽廟扈從排

藥儀太常奏樂

駕由遊參亭至天中閣外下馬入登峻極殿殿

聖祖仁皇帝御製嵩高峻極嶺得名也

等詣香案行禮畢

三 躡行宮御製謁嶽廟詩二章初二日黎明致祭

岳嵩山之神鴻臚太常陳禮儀協律郎四十八人奏  
樂司儀官贊引

皇上躬詣行三獻禮禮成

御製詩一章辰刻

宗輿登嵩高峻極峯

賜名鳳凰山壘石爲臺放鶴入雲際

御製詩一章以記登臨

轉回至黃蓋峯又放鹿鶴各三以彰

恩被庶物至意未刻

登封縣志卷一 皇德記

三

嵩臨山麓萬姓擁馬前瞻仰

皇上俯順輿情爲攬轡少停乃入

御營設宴諸王大臣外凡經修祠宇道路之員咸得與  
乘焉是日又

特下制謂登封爲望秩之所宜沛優施並辛未租賦概

蠲免晚仍

三 御營初三日

次后

一 駕自少室西來

一 幸嵩麓迎

一 入嵩陽書院午刻

后乘輦東行老幼婦女跪接者亦數千百人各  
勿資有差是晚

皇上奉

皇太后駐蹕御營營在中昏祠東門外

行宮在東門內

行殿崔魏兩相輝映諸王大臣分駐左右協贊萬幾儼  
然帝闕

御製新月詩一章極稱景物之美初四日凌晨

皇上駕先行

皇太后

皇后相繼起鑾東出景店蓋登封東界也與轅轅相距僅  
六十餘里彈丸小邑處萬山之中徒以名嶽在境得遠  
我

皇上翠華遙臨凡名勝之區遍

錫宸翰日麗天章山川增輝又

無綸疊沛有加無已俾黃童野叟旣觀

天顏更沐

禮澤誠與唐虞巡祀方岳之隆先後同符而迥非漢唐  
諸君玉符金簡遊覽玩物可比儼於萬一也是日

駐蹕宮縣初五日

鑾御由鄭州還都嗣又

頒賜加恩上諭數道

御製各詩暨各廟祠額聯數十副茲謹舉登邑所得書者恭紀於篇以昭千秋

盛典焉

上諭三道

巡幸嵩洛加恩蠲免錢糧上諭 乾隆十五年

上諭朕巡幸嵩洛一切供頓皆動用正項絲毫不以累民惟念安營除道未免有資民力直隸所經之地現已率旨照例蠲除所有河南經過地方着加恩蠲免錢糧十分之三該部卽遵諭辦理務使小民得沾實惠欽此

登封縣志卷一 皇德記

五

巡幸河南全免丁地錢糧上諭

上諭朕此次巡幸河南省方問俗所至推恩尤念祥符爲省會之區登封實望秩之所鑾輿駐蹕宜沛優施着將該二縣乾隆辛未年應徵地丁錢糧全行蠲免俾體澤均沾以愜小民近光之願該部卽遵諭行欽此

臨幸河南優恤高年上諭

上諭朕臨幸河南蠲租肆赦業經次第舉行而優恤高年亦應一體加恩着齊撫查明經過州縣內男婦年七十以上者照前恩詔之例分別賞資欽此

御製詩十三首

寺作